



Sykkylven kommune

6230 Sykkylven

Løyve til felling av ulv i Sykkylven kommune, Møre og Romsdal fylke

Vi viser til telefonsamtale med Sykkylven kommune v/ Karl Johan Stadsnes den 25. mai.

Fylkesmannen gir løyve til felling av ein (1) ulv i Sykkylven kommune i perioden 25. mai - 1. juni 2014.

Det er knytt ei rekkje vilkår til dette løyvet. Desse er lista opp i slutten av brevet.

Vedtaket er fatta med heimel i Naturmangfaldloven sin § 18 første ledd b) og § 77; jf. §§ 1, 3, 9 og 13 i rovviltforskrifta av 18.03. 2005 og brev av 13.05.2014 frå Miljødirektoratet.

Bakgrunn

Søndag 25. mai vart det meldt om fleire observasjonar av eit dyr som kan vere ulv i Sykkylven kommune. Desse observasjonane er enno ikkje verifisert av Statens naturoppsyn (SNO). Det er ikkje meldt om kadaverfunn i Sykkylven kommune.

Tidlegare i år har det vore dokumentert observasjonar av to ulvar i Dovre kommune 9. - 10. mai og to ulvar i kommunane Vågå og Lom 11. mai. Det er òg udokumenterte meldingar om ulv i Stryn kommune 11. og 15. mai. På bakgrunn av desse observasjonane og funn av (minimum) fire lam som truleg er tatt av ulv i området Tryggestad – Stranda i Stranda kommune, gav Fylkesmannen i Møre og Romsdal 24. mai skadefellingsløyve på ein (1) ulv i Stranda kommune.

Søndag 25. mai vart det funne nye kadaver av sau og lam ved Hellesylt slik at det totalt er funne 15 kadaver i dette området. I tillegg er det sakna 9 dyr. Statens naturoppsyn (SNO) følgjer opp saka med gransking av kadavera. Så langt er det konkludert med at ulv har vore skadevaldar på nokre av desse dyra. Grunnen til at SNO ikkje har konkludert med dødsårsak for alle dyra, er at ikkje alle kadavera er ferdig obduserte.

I denne delen av fylket er det nokre sauebuskarar som nyleg er slopt på utmarksbeite, eller som står for tur til å bli det dei næraste dagane. Vi rår til at dei som ikkje har slopt sauene på utmarksbeite held dei att på inngjerda innmarksbeite så lenge som praktisk mogleg – eller til skaderisiko er normalisert.

Det er så mange dyr på utmarksbeite allereie at skadepotensialet er vesentleg. Det finst heller ikkje enkle førebyggjande tiltak som kan redusere skadepotensialet nemneverdig.

Sidan Sykkylven kommune ligg i område prioritert for beitedyr, og det er langt unna ulvesona, opnar Fylkesmannen opp for felling av ulv frå 25. mai.

Lovgrunnlaget

Lov 19. juni 2009 nr. 100 om forvaltning av naturens mangfald (Naturmangfaldloven) og forskrift 18. mars 2005 nr. 242 om forvaltning av rovvilt (rovviltforskrifta) dannar den juridiske ramma for fylkesmannen sitt vedtak i saken.

Vi viser spesielt til Naturmangfaldloven § 18 første ledd b) og § 77, jf. rovviltforskriften § 13, jf. §§ 1 og 3, der det står følgjande:

Naturmangfaldloven § 18 (anna uttak av vilt og lakse- og innlandsfisk etter vurdering av myndighetene):

Kongen kan ved forskrift eller ved enkeltvedtak tillate uttak av vilt og lakse- innlandsfisk (...) b) for å avverge skade på avling, husdyr, tamrein, skog, fisk vann eller annen eiendom, ...) Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.

Myndigheten etter loven kan av eget tiltak iverksette uttak med formål som nevnt i første ledd bokstav a til d og g, jf. annet ledd. Uttaket regnes ikke som enkeltvedtak, og kan om nødvendig skje på annens eiendom, Kongen kan gi nærmere forskrift om slikt uttak. (...)

Rovviltforskrifta § 1 (Formål):

Formålet med denne forskrift er å sikre en bærekraftig forvaltning av gaupe, jerv, bjørn, ulv og kongeørn. Innenfor en slik ramme skal forvaltningen også ivareta hensyn til næringsutøvelse og andre samfunnsinteresser. Forvaltningen skal være differensiert slik at hensynet til ulike interesser vektlegges forskjellig i ulike områder og for de ulike rovviltarter. Forskriften skal sikre en forvaltning som vektlegger forutsigbarhet og lokal medvirkning.

Rovviltforskriften § 3 (Nasjonale bestandsmål og bestandsovervåking):

(...) Det skal være 3 årlige ynglinger av ulv innenfor forvaltningsområdet for ynglende ulv, der familiegruppens revir i sin helhet ligger i Norge. Dersom over halvparten av reviret ligger innenfor forvaltningsområdet for ynglende ulv, skal reviret regnes som innenfor forvaltningsområdet. Når en del av reviret ligger i Sverige skal familiegruppen ikke regnes med i målet på 3 årlige ynglinger. (...)

Nasjonalt overvåkingsprogram for rovvilt skal gi data om status og utvikling i rovviltbestandene, herunder også beskrive det antall årlige ynglinger som er dokumentert i regionene. Metodikk, datagrunnlag og resultater skal være offentlig tilgjengelig.

Rovviltforskrifta § 9. (Fylkesmannens myndighet til iverksetting av betinget skadefelling)

Fylkesmannen kan av eget tiltak eller etter søknad fatte vedtak om iverksetting av felling for å forhindre fremtidig skade innenfor rammen av kvote for betinget skadefelling gitt av rovviltneemnden, jf. forskriften § 8, eller Direktoratet for naturforvaltning, jf. § 13. Fylkesmannen kan delegere sin myndighet til iverksetting av slik felling til kommunen i særskilte tilfeller. Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

a) områdets betydning som beitemark

- b) skadenes omfang og utvikling
- c) potensialet for fremtidige skader
- d) muligheten for å gjennomføre forebyggende tiltak.

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, samt metoder for felling. Det kan også gis bestemmelser om dekning av påløpte utgifter i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. villloven § 35.

Miljødirektoratet har fastsett kvote for felling av skadegjerande ulv:

Miljødirektoratet har i vedtak i brev av 7. mai 2014 gjort ei vurdering av bestandsstørrelsen og den skade som ulv påfører bufe- og tamreinnæring. Ut frå prinsippet om differensiert forvaltning har dei fastsett ei kvote for eventuell felling av skadegjerande ulv. Kvota er sett til 5 ulvar, og felling kan settast i verk av fylkesmannen i perioden 7. mai – 31. mai. Fylkesmennene er bedne om å gjere ei vurdering av om felling er naudsynt sett i forhold til vilkåra i § 9; jf §§ 1 og 6 i rovviltforskrifta.

Vi viser og til brev av 28.4.2014 frå Klima- og miljøministeren. I brevet peikar Statsråden på at vi skal ha ein låg terskel for å tillate uttak av rovdyr som har gjort skade eller som ein kan vente at vil gjere skade i prioriterte beiteområde.

Kvote for betinga skadefelling av ulv fastsatt av Rovviltnemnda region 6:

Rovviltnemnda region 6 Midt-Norge har i vedtak 23. mai 2014 sak 12/14 fatta vedtak om kvote for betinga skadefellingsløyve for ulv. Fastsatt kvote er tre (3) individ i perioden 1. juni 2014 – 15. februar 2015.

Fylkesmannen si vurdering av trongen til felling av ulv i Sykkylven kommune:

Forvaltningsplan for rovviltregion 6 Midt-Norge tilseier at det ikkje er mål om ynglande ulv i Møre og Romsdal, men at ein likevel må kunne forvente at det kan forekome streifande individ. Det går fram av planen at det skal vere ein lav terskel for å gi løyve til felling av ulv som gjer skade på husdyr og tamrein.

Dei siste dagane er det observert eit dyr som kan vere ein ulv i Sykkylven kommune. Det har ikkje lukkast Statens naturoppsyn (SNO) å få dokumentert desse observasjonane.

Det er hittil funne minimum 15 kadaver av sau og lam i Stranda kommune. SNO er varsla for å kunne følgje opp med gransking av kadavera. Det er den 24. mai gjeve fellingsløyve på ein ulv i Stranda kommune.

I denne delen av fylket er det ei rekkje sauebuskar som nyleg er sleppt på utmarksbeite, eller som står for tur til å bli det dei næraste dagane. Vi rår til at dei som ikkje har sloppe sauene på utmarksbeite held dei att på inngjerda innmarksbeite så lenge som praktisk mogleg – eller til skaderisikoen er normalisert.

Det er så mange dyr på utmarksbeite allereie at Fylkesmannen vurderer at skadepotensialet er vesentleg. Det finst heller ikkje enkle førebyggjande tiltak som kan redusere skadepotensialet nemneverdig. Sidan Sykkylven kommune ligg i område prioritert for beitedyr, og det er langt unna ulvesona, er det rett å opne for felling av ulv.

Etter naturmangfoldlova § 7 skal prinsippa i §§ 8 til 12 leggest til grunn som retningslinjer ved offentlig myndighetsutøving. Offentlige beslutningar som kan berøre naturmangfaldet skal så langt det er rimeleg vere tufta på vitenskapleg kunnskap om artar sin bestandssituasjon samt effekt av påverknad, jf § 8. Det er god kunnskap om ulven sin bestandssituasjon i Noreg, jfr. det nasjonale overvakingsprogrammet for rovvilt. Føre-var-prinsippet i § 9 blir tillagt liten vekt i saka. Fylkesmannen viser til forvaltningsplanen for rovviltregion 6, der det ikkje er mål om ynglande ulv i Møre og Romsdal, samt vedtak i rovviltnemnda sak 12/14 det det er opna for skadefelling av inntil 3 ulv i region 6. Ut i frå observasjonar og kadaverfunn er det sannsynleg at skade på bufe i Stranda kommune er fororsaka av streifande ungdyr av ulv. Fylkesmannen vurderer difor at uttaket av ein ulv ikkje vil medføre irreversibel skade jfr § 12 i strid med forvaltningsmåla for ulv jfr § 5. Naturmangfoldlova § 11 gjeld kostnadene ved miljøforringing, og er ikkje aktuelt i denne saka.

Konklusjon

Med bakgrunn i ei heilskapleg vurdering av situasjonen, vurderer Fylkesmannen i Møre og Romsdal at det ikkje ligg føre anna tilfredsstillande løysing i det aktuelle området enn felling av ulv. Eit slikt uttak er vurdert til ikkje å vere til skade for ulvebestanden si overleving, eller å kome i konflikt med det nasjonale bestandsmålet for ulv, jf. Innst. S. nr. 174 (2003-2004) og rovviltforskrifta §§ 3 og 4.

Ut frå vurderingane ovanfor og med heimel i Naturmangfoldloven sin § 18 første ledd b) og § 77; jf. §§ 1, 3, 9 og 13 i rovviltforskrifta av 18.03. 2005; jf brev av 13.05.2014 frå Miljødirektoratet, gir fylkesmannen løyve til felling av ein (1) ulv i Sykkylven kommune.

Følgjande vilkår er knytt til iverksetting av fellingsløyvet:

1. Fellingsløyvet gjeld i heile Sykkylven kommune. **Vi legg til grunn at fellingsforsøket skal gjennomførast på ein effektiv og hensiktsmessig måte med utgangspunkt i ferske observasjonar av ulven eller skade den har valda.**
2. Fellingsløyvet er gitt til Sykkylven kommune. Kommunen nemner opp fellingslag og fellingsleiar, og skal ha oversikt over alle personar som er med i fellingslaget. Alle i fellingslaget skal vere kjent med innhaldet i dette brevet og dei generelle reglane som er gitt i rovviltforskrifta og i forskrift om utøving av jakt, felling og fangst.
3. Tillatelsen gjeld i tidsrommet **25. mai - 1. juni 2014.**
4. Ved felling skal det nyttast våpen og ammunisjon godkjent for storviltjakt, jf. forskrift om utøving av jakt, felling og fangst, fastsatt av direktoratet den 22. mars 2002, jf. § 15 og 16.
5. Ulv felt i medhald av dette løyvet er Viltfondet sin eigedom. Ingen kan difor på nokon måte gjere seg nytte av felt dyr utan etter nærare samtykke frå Miljødirektoratet. Felt dyr skal så raskt som råd takast til Norsk institutt for naturforskning i Trondheim.
6. **Felling eller forsøk på felling** av ulv skal straks meldast til fylkesmannen og Statens naturoppsyn. Den som feller dyr skal framvise felt dyr for Statens naturoppsyn for kontroll, merking og prøvetaking av biologisk materiale, og skyttar skal kunne påvise fellingsstad (eller eventuelt skotplass) etter oppmoding frå Statens naturoppsyn, politiet eller fylkesmannen.
7. Dersom ulv blir skadeskoten pliktar dei ansvarlege å gjere det dei kan for å avlive dyret snarast mogleg. Skyttar plikter å forvise seg om dyr som det er skote på er treft

eller ikkje. Ved skadeskyting skal skyttar utan opphald melde frå til fylkesmannen og næraste politimyndighet. Fylkesmannen avgjer vidare gjennomføring og avslutning av ettersøk. Dei som har deltatt i forsøket på felling skal utan godtgjering hjelpe forvaltningsmyndighet eller politimyndighet i det vidare ettersøket.

8. Fellingsforsøk og felling i medhald av dette løyvet kan skje utan omsyn til grunneigarretten; jf. lov om jakt og fangst av vilt § 35.

9. Fylkesmannen kan til ei kvar tid trekke tilbake fellingsløyvet.

10. Godtgjering for fellingsforsøk er regulert av § 9a i rovviltforskrifta, samt kommentarane til denne. Det følgjer av forskrifta at der forsøk på skadefelling blir utført av kommunalt/interkommunalt oppnemnd fellingslag, kan kommunen utbetale godtgjering til fellingslaget for den tid som er brukt til fellingsforsøk. Deltakarar som mottar godtgjering etter ordninga må vere registrerte lisensjegerar, jf. rovviltforskrifta § 15.

Etter rovviltforskriften § 9a skal deltakarar frå det kommunale fellingslaget få godtgjering for den tid som er nytta til fellingsforsøk. Fylkesmannen legg til grunn at fellingsforsøket skal gjennomførast på ein effektiv og hensiktsmessig måte. Det blir sett av ei ramme på inntil kr 28 000,-. Utgangspunktet er en sats på kr 1 400,- pr deltakar pr døgn. Av kommentarane til forskrifta går det og fram kva for forhold som fell utanom ordninga. Utbetaling skjer på grunnlag av desse vilkåra, samt rapport frå fellingsleiar om fellingsforsøket og den tid som er nytta. Den totale utbetalinga frå kommunen må ikkje overskride dei rammene som går fram av fylkesmannen sitt vedtak om felling. Fylkesmannen yter etter søknad tilskot til kommunen til dekning av godtgjering utbetalt etter vilkåra nemnd over.

Kommunen må syte for at deltakarane i fellingslaget fører timelister og oversikt over kjørte kilometer mv. Kommunen skal sende fellingslogg til Fylkesmannen i Møre og Romsdal. Fellingslogg skal sendast innan tre veker etter at fellingsforsøket er avslutta.

Dette vedtaket kan påklagast innan tre -3- veker frå den dagen dette brevet kom fram; jf. forvaltningslova kap. IV, §§ 28 og 29. Ei eventuell klage bør grunnigvast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Fylkeshuset, 6404 Molde.

(Vedtaket blei formidla i kort-versjon til Sykkylven kommune v/Karl Johan Stadsnes i telefonsamtale 25. mai 2014).

Med helsing

Ulf Lucasen (e.f.)
kst. ass. miljøverndirektør

Astrid Buset

Dokumentet er elektronisk godkjent og har ingen signatur.

kopi:

Miljødirektoratet
Fylkesmannen i Sør-Trøndelag

Postboks 5672 Sluppen
Postboks 4710 Sluppen

7485 Trondheim
7468 Trondheim

Fylkesmannen i Nord-Trøndelag
Statens naturoppsyn
Sykkylven lensmannskontor

Postboks 2600
Postboks 5672 Sluppen
Postboks 70

7734 Steinkjer
7485 Trondheim
6239 Sykkylven